

**Semua Ketua Jabatan
Negeri Pulau Pinang**

YB. Dato'/YBhg. Dato' Seri/YBhg. Dato'/YBrs. Dr./lr./Tuan/Puan,

ARAHAN OPERASI – TUNTUTAN ELAUN PERJALANAN DAN ELAUN LEBIH MASA BAGI BULAN DISEMBER 2023

Dengan hormatnya saya diarah merujuk kepada perkara di atas.

2. Sebagaimana sedia maklum, tuntutan Elaun Perjalanan dan Elaun Lebih Masa dikira berdasarkan **tempoh dari awal hingga akhir suatu bulan dan hanya satu tuntutan boleh dibuat bagi setiap bulan**. Justeru, bayaran bagi tuntutan Elaun Perjalanan dan Elaun Lebih Masa bagi suatu bulan adalah pada bulan berikutnya mengikut peraturan yang ditetapkan. Pelaksanaan ini turut terpakai bagi tuntutan bulan Disember setiap tahun di mana pembayaran bagi kedua-dua tuntutan tersebut sewajarnya dilakukan pada bulan Januari tahun berikutnya. Pembayaran ini tidak tertakluk kepada Arahan Perbendaharaan (AP) 58(a) dan menggunakan peruntukan pada tahun berikutnya.

3. Walau bagaimanapun, Jabatan ini telah menerima pertanyaan daripada Jabatan/PTJ berkaitan pembayaran tuntutan bulan Disember 2023 untuk dilaksanakan pada tahun 2023 dengan alasan antaranya untuk mengoptimumkan perbelanjaan tahun semasa yang telah diperuntukkan dan arahan dalaman yang telah dikeluarkan bagi membolehkan pegawai membuat tuntutan pada bulan Disember 2023.

4. Pegawai Kewangan Negeri telah bersetuju untuk pembayaran tuntutan Elaun Perjalanan dan Elaun Lebih Masa bagi bulan Disember 2023 diproses pada tahun 2023. Ketua Jabatan bertanggungjawab sepenuhnya dalam memastikan perkara-perkara berikut:

- i) Arahan dalaman yang membenarkan tuntutan Elaun Perjalanan dan Elaun Lebih Masa bulan Disember 2023 dibuat pada tahun 2023 **dikeluarkan secara bertulis dengan tempoh cut off yang munasabah**;
- ii) Melampirkan **perakuan pegawai bahawa tuntutan bulan Disember 2023 adalah muktamad** sebagai dokumen sokongan pada baucar bayaran;
- iii) Membuat semakan dan pemantauan rapi bagi memastikan **tiada tuntutan dua kali bagi bulan Disember 2023** dikemukakan oleh pegawai; dan
- iv) Pembayaran dilaksanakan **selewat-lewatnya pada 22 Disember 2023**.

5. **Kebenaran ini hanyalah bagi pembayaran tuntutan Elaun Perjalanan dan Elaun Lebih Masa bulan Disember 2023.** Mulai tahun 2024 dan berikutnya, semua Jabatan/PTJ dikehendaki melaksanakan sepenuhnya pembayaran tuntutan Elaun Perjalanan dan Elaun Lebih Masa bulan Disember pada bulan Januari tahun berikutnya.

**Bendahari Negeri
15 Disember 2023**